


長白山錄



長白山錄

新城王士禎字貽上

長白山在濟南鄒平縣西南本屬長山縣縣所得名也高二千九百丈周六十里晏謨述征記云雲雨常白故又名常白司馬子微洞天福地記第六十一長在山在齊州長山縣故又名長在抱朴子曰長白泰山之副岳酉陽雜俎曰古肅然山也史記封禪書元封元年四月乙卯封泰山丙辰禪泰山下趾東北肅然山今以地理考之山在泰山東北相距三百里安得乙卯封泰山丙辰禪肅然若

長白山錄

是速耶金史云肅然山在萊蕪縣萊蕪古嬴地在泰山東百二十里封禪書之言信矣按長白山見諸史志者魏書在東魏郡博平縣劉宋僑置縣也隋書在章丘縣金史在章丘長山二縣唐元和郡縣圖志屬淄州長山縣宋太平寰宇記屬齊州章丘縣今則連峰沓嶂跨四縣之境北去鄒平而近東北去長山而遠西章丘南淄川實海岳之奧區仙靈之窟宅齊乘曰南岱東沂之外沂之蒙密之九仙即墨之大小勞寧海之姑餘般陽之長白皆齊之高大名山也自餘不得竝列云今撫其著者

略見於篇

會仙峰山之最高峰也形若覆敦上有金母祠
上書堂在峰之南有書堂寺寺門巨石環抱如屏
西有范公泉相傳宋范仲淹讀書處

貓頭狻猊二峰一在書堂西一在書堂南
南向東折曰蘿谷最嶮峻盛夏積冰雪

又東南曰摩訶峰高與會仙峰埒上有浮圖精舍
其北大壑限之東曰回路谷德會水出焉

又南曰桃花谷曰種金頂曰水尖頂

太湖山在長白之南上有石室及敗漆船記云堯

長白山錄

二

時物

右長白南嶂

老人峯在會仙峯之東其人多壽又名黃鶴山
鍛砧峯形如鍛砧亦名印臺山

于茲山與長白斷而復連上有于茲仙翁祠

右長白北嶂

長白兩嶂之間曰大谷谷有二十四村土沃而泉
甘嘉木美箭藿靡若鄧林

象山 松山俱在谷中

柳菴在大谷西最深處下臨黛溪即德會水也竹

林檀閣煙島雲林所謂幽幽釋子眇眇禪棲者矣
黃鵠菴

生生菴

三賢祠在五龍池上祀漢伏勝宋范仲淹元張臨
會仙峯北有望湖頂下見澣山灤

魯泉在望湖頂下林壑清美泉水尤甘有成氏別
業

唐李菴在魯泉西北二里古有唐李二仙得道於
此

玉泉菴亦有甘泉

長白山錄

三

朝陽菴與唐李菴表裏相背

九龍山會仙峯北來之支也其峯有九如神龍蜿
蜒至澣山灤而止掉尾穹脊昂首奮鬣形容酷肖
山北孔道曰搭山道曰啞婦口

大谷越嶺而西曰黉山亦名黉堂嶺圖經云鄭康
成刊注詩書之所生細草葉形似韭俗謂鄭公書
帶草金元好問濟南行記云鄒平縣南有長白山
范文正公學舍在焉故又謂之黉堂嶺太平寰宇
記云黉山在淄川縣東北十里三齊要記云鄭康
成刊注詩書日棲遲於此齊乘嘗辨元記之譌然

謂鬻山在般陽今淄川北十里即鬻堂嶺又云上下書堂在鬻堂嶺會仙峰下牽合爲一亦非蓋鬻山鬻堂嶺自是二山當以鬻山屬鄭鬻堂嶺屬范爲是西爲鵬鷲谷

又西爲鳳凰山中有迦谷有翔鳳菴

醴泉寺在鬻堂嶺北宋范希文斷齋畫粥之處公常於寺中得窖金覆之今寺有范公祠南向有寶誌公石像刻碑北向碑有唐人文字齧缺過半按史及神僧傳寶誌行遊之地皆在建康長白乃拓拔魏地而唐碑云直以爲誌公何据耶又洛陽

伽藍記載後魏有沙門寶公者能預覩三世胡后問以世事實公把粟與雞喚朱朱後爲余朱榮所戕或是此寶公未可知也若爾則應稱寶公不應稱誌公也

富相山在魯泉東北有乳泉色白宜茗山下遠近多紅葉

景相公山在富相山東下有後周中書侍郎景範墓墓上有碑

黃山在城東南三里與于茲山南北相望上有碧霞宮

翠微遐景二亭皆元安處士建

山陰爲兔柴明少保張公別業有超然洞洞中有白兔公銅像上有半偈山房西佳樓禮部尚書董其昌作兔柴記

李氏嘯園在長白山之陰修竹萬挺俯臨瀑溪園中有皆山亭是東谷先生張茂蘭故居

繡江源出長白山南百脉泉元好問詩長白山前繡江水展放荷花三十里看山水底山更佳一堆蒼煙收不起濟南行記云繡江發源長白山下叅佐張子鈞張飛卿觴予繡江亭漾舟荷花中十餘

長白山錄

五

里樂府皆京國之舊

瀑水即楊緒水源出長白山之陽俗曰獺

德會水出摩訶峰下齊乘曰蒙水俗曰沙河

魚子溝水水經注瀧水至梁鄒東南與魚子溝水

合水南出長白山柳或作柳泉口即陳仲子夫妻之所

隱也北流注於瀧水

魚子溝曲流至黃山南如月半規日月河多水竹明少保張公別業

醴泉在寺東山麓有亭久廢先曾祖司徒府君題名石碣尚存

澣山灤在九龍山西醴泉寺北中多芙蓉菱芡芡
蘆魚蚌之產漁舟虎落交於山麓周廻三十里蓋
灤水之委也灤中有墨王亭乃族祖洞庭別業按
米芾稱法書曰墨王見陸友仁研北雜志

其人物於陵仲子顧野王輿地志云齊城西南百
五十里有長白山陳仲子夫妻所隱處太平寰宇
志引之按山在齊城東北非西南也唐張說詩昔
聞陳仲子守義辭三公身賃妻織屨樂亦在其中
豈無窮賤苦羞與傾巧同長白臨江上於陵入濟
東我行弔遺跡感嘆石泉空○高士傳曰陳仲子

長白山錄

六

者齊人也其兄戴爲齊卿食祿萬鍾仲子以爲不
義將妻子居於陵自謂於陵仲子窮不苟求身自
織屨妻擘纊以易衣食楚王聞其賢欲以爲相遣
使持金百鎰至於陵聘仲子仲子入謂妻曰楚王
欲以我爲相今日爲相明日結駟連騎食方丈於
前意可乎妻曰夫子左琴右書樂在其中矣結駟
連騎所安不過容膝食方丈於前所甘不過一肉
今以容膝之安一肉之味而懷楚國之憂亂世多
害恐先生不保命也於是出謝使者遂相與逃去
爲人灌園

唐長白山人邵貞一武氏革命終身不仕見唐書
元張臨字慎與讀書長白山號長白先生明少保
張公延登作長白先生祠記

處士安仁甫隱居黃山

流寓明宋登春禮部尚書徐學謨鵞池生傳云遊
齊魯居長白山廢寺出所攜漢魏三唐詩閉關揣
摩三年而大就

仙釋毛真人司馬承禎云長在山在齊州長山縣
毛真人治之

白兔公唐韓翃送齊山人歸長白山詩舊事仙人

長白山錄

七

白兔公掉頭歸去又乘風柴門流水依然在一路
寒山萬木中○彭祖經彭祖弟子白兔公子青衣
烏公秀眉公離婁公高丘子等皆歷數百歲
于茲仙翁

酉陽雜俎長白山相傳古肅然山也峴南有鐘鳴
南燕世桑門惠霄者自廣固至此峴聽鐘聲稍前
忽見一寺門宇炳煥遂求中食見一沙彌乃摘一
桃與霄須臾又與一桃語霄曰至此已淹留可去
矣霄出迴顧失寺至廣固見弟子言失和尚已二
年矣

又云長白山山西有夫人墓魏孝昭之世揆揚天下才俊清河崔羅什弱冠有令望被徵詣州夜經於此忽見朱門粉壁樓臺相望俄有一青衣出語什曰女郎須見崔郎什恍然下馬入兩重門內有一青衣通問引前什曰行李之中忽蒙厚命素既不敘無宜深入青衣曰女郎乃平陵劉府君之妻侍中吳質之女府君先行故欲相見什遂前入就牀坐其女在戶東立與什敘溫涼室內二婢秉燭呼二婢令以玉夾膝置什前什素有才藻頗善風詠雖疑其非人亦愜心好也女曰比見崔郎息駕庭

樹嘉君吟嘯故欲一敘玉顏什遂問曰魏帝與尊公書稱尊公爲元城令然否女曰家君元城之日妾生之歲什乃與論漢魏時事悉與魏史符合言多不能備載什曰貴夫劉氏願告其名女曰狂夫劉孔才之第二子名瑤字仲璋比有罪被攝乃去不返什乃下牀辭出女曰從此十年當更相逢什遂以玳瑁簪留之女以指上玉環贈什什上馬行數十步回顧乃一大冢什屈歷下以爲不祥遂請僧爲齋以環布施天統末什爲王事所牽築河於垣冢一作桓冢遂於幕下話斯事於濟南奚叔布因下泣

曰今歲是十年可如何也作罷什在園中食杏唯云報女郎信俄即去食一杏未盡而卒

又云平原縣西十里舊有杜林南燕太上時有邵敬伯者家於長白山有人寄敬伯一函書言我吳江使也令吾通問於濟伯今須過長白幸君爲通之仍教敬伯但於杜林中取樹葉投之於水當有人出敬伯從之果見人引入敬伯懼水其人令敬伯閉目似入水中豁然宮殿宏麗見一翁年可八九十坐水晶牀發函開書曰裕興超滅侍衛者皆圓眼具甲冑敬伯辭出以一刀子贈敬伯曰好去

但持此刀當無水厄矣敬伯出還至杜林中而衣裳初無沾濕果其年宋武帝滅燕敬伯三年居兩河間夜中忽大水舉村俱沒惟敬伯坐一榻牀至曉著岸敬伯下看之乃是一大龜也敬伯死刀子亦失世傳杜林下有河伯家

大唐齊州章丘縣常白山醴泉寺誌公之碑

關二京大薦福寺奉勅關一慶關一綴文沙門玄傘關五

薦福寺關二翻經院校勘沙門正智寺都維關一僧

道寂建此寺關三

關一曇花未出庸詎知寂滅之名覺日猶關一曷嘗識

苦空之相關一夫金儀下降舍靈關一淨月之光寶教

旁流關四雲之潤三車關一駕關二十化工關三香不息所

以化身周流於別土神關三於塵沙或十大聲聞駐

形關二一萬菩薩納景涼臺觀關一背嶺以宣慈清辨

起關二十未掩白足關二佛法之關三月關一咸關一王城之

舍蓋關一生關一道關一境發關一若不人關一具關四諦幢高

者與今此醴泉寺者是宋齊關二十經文師郎關三

身之菩薩關一遊神境來屆茲山棲託巖阿聿脩禪

寂以為此地玄武之分青龍關四首以開疆據天齊

而劃野却關二十尚父之關一居九合一匡齊桓公之

長白山錄

霸國爾其常白山者廼摩天關一地晦映蔽虧抱泉

石以娛神出雲霞以養性山毛地髮名花將軟草

連芳關二十人關二繪關二形勝關二招提自後七級崇圖

起舍佉之才五層關一重標戰勝之門海日山

亭妙相殫於變態虹梁鳥革大壯關三綵畫關二塵凡

香關一水調八解之關一風關一五音之說息心之輩

見流注以超昇迴面之徒仰幽關而悟入時逢關二

代屬關三十金林玉關一寥落幽巖我國家灌頂四天

纂圖千帝以佛乘為焉馬用道品為城郭八方起

塔關二道形九關一聚鹽情殷關三十佛關二此精廬關一通

堯日三齊族姓向梵境以翹誠四履關一仰釋天而

矯首又屬中宗孝和皇帝龍興漢道馬入天經關二

寺都維僧仁万俗姓李字道寂慨茲隳墜抗表關一

宗天鑒至誠特賜名關三十否而還泰山靈掩以重

開法俗歡康人神一悅初師之行進表也夢乘船

上山及翌關一赴朝所關一無礙豈非興廢關一定通關一

懸期關二十俶裝東上將關二州關二三藏義淨法師各

代高僧天下重德先奉勅於大薦福寺關三律以關六

勝緣關一城在東倍增關二十四關一降靈五關一德關一人

天之表名揚宇宙之間聖關一難關一神功叵測及將

命星發載達京關十時有關三十身關二輟絃歌歲關三即

以二月八日親率闔境老幼大會新寺表慶天恩

又於關二之關一尊卑就列雁行齊聽關三十忽見有醴

泉關四三四尺深淺三尺餘色淨味甘爰符瑞典挹

酌同飲咸覺蠲痼豈不以關一福關一圓三靈允答光

揚寶關一滋液金場故關二十上聞關二垂感有勅改名

為醴泉寺仍更抽入冊僧住持行道自玄波再委

王題重開日殿赫而關一昇月宮華而桂滿若乃關二

字海精勤以齊深戒月澄空關二密霧禪燈熠室巧

字

避輕風濯關二之龍關一洗毗關一之鳥眼長祛五住遠

効四心刷關一雁以飛雲轡關二十捨生之地續桂關二

有情根軌足方關一鳴金鼓關一功不朽流福無窮斯

竝先帝之本願莊嚴法師幽贊威神之所致也又

師遊戲生死示關二十儼如親對即平時所將黑犬

亦繫具關二厥關二無願不從迺至有患心痛者但取

廟前少土和水服之應時便愈遺形是託神靈保

持由是關二十梁寺史傳師本俗姓朱氏金城人也

少出家關二道林寺僧儉法師為和上業存禪關一宋

太始初漸彰異迹居止不定飲食無時長髮跣足

長白山錄

每關二十詞同識記言不虛發應驗如神或關一視通

於北關一分形遍於南國奇怪忽恍不可殫論以天

監十三年歲次甲午十二月八日關二十相奄然示

終時有異香關二芬馥特勅厚加殯送葬於鍾山獨

龍阜仍於墓所關一開善精舍勅陸倕製銘於冢內

王筠勒碑於寺陰關二十生及其去也以精靈度物

哀憐庶類福祚皇王且彼託鍾山此依常白彼葬

龍阜此關一龍臺前王挹風建開善之墳關一後帝傾

天下之三載凡一百九十九年化化之緣古今無

至今大唐太極元年歲次壬子子皇帝御

盡明明之德日月彌新其所變現之梗概關二十之七字

關一衆所未諒恭敬者隨時受福疑慢者應念立徵

事迹繁夥不可備載當嘉聲上徹先帝令左臺監

察御史宋務先親加檢覆關二十八字八正所以知歸一

屬關一緣獲未曾有關三復命倍沃天心刺史楊元禧

分符北極露冕東藩關一雨逐於行車仁風隨於轉

扇黃金關二十八字追鳥跡於上乘想關六繩寶地關一動天

宮薦瑞香園延光帝載縣丞主簿縣尉關一舍關四十三字

羣物揚舲彼岸錄事關二鄉關一等門滋蘭關四芽忠信

滿於州閭因果關一於關四虔命關一奉關三十九地荷於

長白山錄

津通貝樹披春帝王之遺文秩矣金關三諸佛之正

道通矣迷津關一路菩薩運載之乘行矣關八之關二十

况玄天大造充溢於盡空淨域鴻緣牢籠于無外

昔迦關三如來垂讚嘆之關一彌勒當關三表歌揚之偈

若稽古訓式樹關一碑仍於關二十銘曰義天北昧優

花未披但迷五蘊孰辨三伊關二火宅耀我金儀神

足繼軌關二揚麩其關一有關一成觀方關二載表靈關二開

關二十網燬我寶地壞我金場花殘鷺沼煙輟龍香

霞標歇滅石徑荒涼其萬寓乘皇千齡纂帝日月

連關一飛行關一契關一念新關五高關二十精標五門玉墀

倣感銀字關一輿存其五欲赴天泉字關一規國德寄誠墳廟

傳詞翰墨瑞醴通流嘉祥允塞重光佛字關二題宸極

其六紺軒加關二十沙其七先帝聖靈聿資神境冥扶默

贊分形散影既墓彼山又墳茲嶺寶鐸雙振金繩

共炳化字關三真身永永其八功關一泉關五天關二十宣聞諸

典故鐫金鏤玉道該緇素式讚王猷字關二淨度勒像

賢劫刊碑覺路其十

開元三年歲次乙卯二月己酉朔十五日癸亥關下

大周故銀青光祿大夫中書侍郎同中書門下平

章事上柱國晉陽縣開國伯食邑七百戶贈侍中

景公神道碑銘并序

翰林學士朝議郎尚書水部員外郎知制誥柱

國賜緋衣袋臣扈載奉勅撰

翰林待詔朝議郎守司農寺丞臣孫崇望奉勅

書

帝軒轅乘土德之運其臣曰奢龍祝融能辨方域

以制區夏帝媯氏禪陶唐之基其臣曰伯夷后夔

能典禮樂以和人神上古佐命之道字關五焉三政嗣

興圖史寢盛彌綸輔翼代有其人皆金策丹書絢

績功業垂其訓聚而為墳典形其美流而為歌頌

陋篆籀之質略我則潤之以關五字之淪朽我則鏤之

以貞珉銘以紀功碑以誌行千載之下粲然可觀

者其惟神道之表乎故中書侍郎平章事景公諱

範皇朝元佐關二字顯德二祀冬十一月薨于淄川郡

之私第天子廢視朝軫殲奪之念制贈侍中遣使

贈奠飾終之典優而厚關三字詔詞臣關一字文關一字琰盛矣

矜于名氏誠未顯于邦家與夫輝煌帝恩導揚休

烈關八字者可同日而語也關六字綸有直而敘之用不顯

我大君之命臣聞景氏之先出于芊姓從楚王于

長白山錄

夢澤差關一字侍臣畫漢關一字于雲臺丹推名將濟美垂

清關六字生偉人維周之輔長山之下淄濟為川地勝氣

清惟公故里夫嘉遁絕世高卧于是者足以關一字顯

氣而為關七字生于是者足以關三字而為世傑故公之先

由烈考太僕府君之上曰而父賓大王父閏皆貞

晦不仕介享天爵而巢許關十字仲曰篆公關四字世關二字

聿登相位而申甫之祥著矣昔者聖人之教天下

也本之以仁義制之以經籍是謂人文是謂人關六字

以關一字開物成務者關四字所於此關二字以公輔之位必由

稽古升廊廟之才必以經術顯而公以明經擢第

於春官氏則賢哲之關六為吏於清陽關十掾於高密

郡秩滿而關一授范縣令大鵬之翼鍛北溟以未舒

蟄雷之聲殷南山而不關一然則關七子之關十通人之

才變而順則方圓之量不能局故公之佐縣政也

人謂其勤且潔矣典刑書也人謂其賢且能矣粵若

關八使關一政關一而從入者則人謂其賢且能矣粵若

日月之彩得天而大明風雲之期遇屯而勃起關十

磻谿關一璜關十我大周聖神恭肅文武孝皇帝建大

功於漢室為北藩於魏邦初筵既開得賢斯盛於

是我公關九而君臣之關九龍飛在天躬載曜靈至於

長白山錄

霄極皇業肇建制以公為秋曹郎進階至朝散大

夫而關九萬關十之樞惟聖人執左契臨萬邦經久制

大命日政之機國之大柄總於樞務者可謂重矣

而公關九忠而賢關十公為左司郎中充樞密直學士

尋轉諫議大夫充職今皇帝嗣位之時登用舊臣

而并人乘我大喪擁眾南寇親征之舉迅若奔雷

分命大臣保釐關七于公仍拜貳卿關九振帝伐張黃

鉞白旄殪羣兇而皆盡參旗河鼓導清蹕以言旋

大禋既已平九服又已定關四時惟輔臣而公昌言

可關八聖謨碩望可以鎮流俗爰立之命帝心允孚